

明丘濬曰封禪之說說書禮典畧不經心
審有是事乃天下國家之盛舉堯舜禹湯
文武成康皆身致太平安得闕而弗講所
謂七十二君者果何代何人孰先儒有言
養生至於長生不死為國至於祈天求命

皆有是理然人未有能為之者縱為之然
亦不出乎身心日用之間非必由乎服食
藥物徵求鬼神而後致之也是故明君求
年莫若寡欲延國祚莫若愛民寡欲而至
於全其天愛民而至於過其膺誠有是理
亦誠有是事嗚呼世主所以甘心於不貲
之費而行封禪之禮者以有秘祝之求也
誠知此理反之於心知其必無驗之於古
知其無效則自不為矣

八二 廿七

岱史第七卷望典紀

叙曰昌云乎望也帝王祀事之稱也紀之者
何秩祀以崇禮也夫國之大事惟祀祀之大
事惟天地與五嶽而岱惟嶽首帝王符望必
先焉於禮豈弗崇重哉然虞書望祀而曰秩

周禮四望而曰秩視三公蓋別於天地也無
用越禮以為媚也降及後世飾縹緞誣唐則
稱王宋則稱帝獻符秦策瑤雲臺輒輩羣
饗神而徼之福顧不思夫神聰明正直而一
者也以此媚之克享否乎我

高皇帝稽古制祀典先正其名號曰東嶽泰
山之神而郊壇而遣告而禱賽一切秩之以
禮與帝典王童同符列聖承之昭然成憲可
為萬世法若夫公卿百執事有事於祀者凡
以為國為民也例得附錄焉

唐虞歲二月東巡守至于岱宗柴望秩于山

川見釋

周大司馬以血祭祭五嶽山宗伯四望五嶽

五嶽視三公見周禮

周公封于曲阜伯禽為魯侯遂得主泰山

之祀世魯

魯僖公三十一年夏四月四卜郊不從乃
免牲猶三望何望祭也祭泰山河海也
魯宣公三年春王正月郊牛之口傷改卜
牛牛死乃不郊猶三望同上

季氏旅於泰山子謂冉有曰汝弗能救與
對曰不能子曰嗚呼曾謂泰山不如林放
乎

秦始皇即帝位三年東遊海上祠名山大川
及八神八神之次二曰地主祠泰山梁父

八神之祀莫知所起蓋周之先已有之始
皇因之及舉封禪亦祠泰山

漢高祖至武帝時泰山屬濟北王境內自奉
祠元符元年王以天子且封禪上書獻泰
山然後天子官領祠元封五年帝至泰高

修封祠泰山其後五年一修封凡五祠焉
宣帝神爵元年詔太常制五嶽常祀禮皆
使者持節唯泰山與河歲五祠餘皆三祠
光武申元元年定北郊祀五嶽建武三十
年三月帝却封禪之議幸魯退祭泰山

三十二年二月帝舉封禪祭天於泰山山下南方又以一特牲於常祠泰山處告祠泰山

童帝元和二年二月辛祀泰山 風俗通曰岱宗廟十月日合凍臘月日涸凍正月

日鮮凍皆太守侍祠

魏文帝黃初三年祀五嶽

晉成帝咸和八年立北郊五嶽從祀

梁令郡國有五嶽者置宰祀三人以孟春仲冬祠之

冬祠之

後魏景穆帝立五嶽廟於秦乾之陰每歲遣祠官詣諸嶽鎮禱焉

孝文帝祭岱嶽文曰造化氤氳是生二儀

玄黃既闢山川以離四流含靈五嶽苞祗

并箕方象出納聖靈宗穹崇稟甫盤嶠

青丘磻嶺春趾鬱律肇生庶類啟光品物

上敷神工下融靈稜載協化丈四氣以溢

百王鑄成莫不茲室

唐武德貞觀制以五郊迎氣之日祭五嶽又

祭東嶽於兗州

祭東嶽於兗州

玄宗開元初五郊迎氣之祭如舊制祀後開元十三年封泰山神為天齊王禮秩加三公一等 是時天台道士司馬承禎言

今五嶽神祠是山林之神也五嶽皆有洞府有上清真人降任其職山川風雨陰陽

氣序是所理焉冠冕童服佐從神仙皆有

名數請別立齊祠玄宗奇其說勅五嶽各

置真君祠故今道書稱東嶽太靈蒼元司

命真君云

開元初定常祭儀祝曰嗣天子某謹遣某

官某敢昭告于 東嶽岱宗惟神贊養萬

品作鎮一方式因春始謹以玉幣犧粢黍

盛庶品朝薦于東岳岱宗尚饗

天寶元年七年八年皆以感豐遣高宗五

嶽

德宗貞元二年詔太常卿裴郁等十人各

就方鎮祭嶽瀆

宋初祭東嶽泰山於兗州

真宗大中祥符元年封禪禮畢詔加號奉

山天齊王焉天齊仁聖王 五年加上曰

八二

三十一

三十一

天齊仁聖帝命學士晁迥撰天齊仁聖帝碑銘今存嶽廟

晁迥碑銘

臣聞結葦為山履無疆之厚載并名曰嶽

表真服之崇丘至若根一氣以混成媿四

時而首出作鎮東夏是惟岱宗辨乎五方

設位冠配天之太書為八卦建標當出震

之區邃深連空洞之宮翕習號神靈之府

夫其魁甲良象握制坤軸嶸嶸礧礧崇

嶽莫天門路界於巒巒蒼蒼觀孰臨於杲曜

列仙遯迹存棲真之石問求命儲休闕與

齡之金篋滋殖百卉幽青庶類畜泄雷雨

吐納風雲封之所以合元符登之所以小

天下近綴梁柱遠矚秦吳控壓海沂襟帶

洙泗鄒人所仰魯邦是詹肇生物之化權

蓋願貞之壽域也古先哲后誕膺駿命披

皇圖稽帝文告成功申大報昭姓考瑞刻

石紀號自無懷氏迄唐明皇登封展采布

在方冊者罔不于茲矣開元十三年始封

神曰天齊王禮秩加三公一等綿歷五代

八二

卅一

寂寥無聞爰暨皇朝勃興喜鍾叶百姓與能之望應真人革命之秋太祖皇帝總擊英椎鞭撻宇宙勤勞四征削平多壘方混一於寰中太宗皇帝纂隆洪緒建皇極斟酌道德統和天人乃緩懷於海外然而

艱難創業溫嘗貽謀勅崇奮發將底績而未暇開先遣大知弈世而有歸粵惟崇文廣武感天尊道應真佑德欽明上聖仁孝皇帝陛下承禹定之基格孟安之世顯仁以育物廣孝以奉先宣洽重熙財成庶政

○ 弭息戎旅撫柔要荒乘國步之密清宅天象於醴釋因之以豐懋加之以阜康廣慶宗廟之重游心帝王之術長轡遠御大道坦夷天衢於是乎嘉齊德教於是乎漸被戴日戴斗聿遵朝聘之期太平太寧盡入

車夏之域垂衣在上擊壤在下得以曠谷俊茂博訪幽隱講求典禮包舉藝文接千歲之統可炳儀於封祀當萬物之盛宜昭告於神明然猶務謙尊而益光體健行而不息冲融藏用淵默思道俄而天休震動

上帝顧懷真錄游臻靈心有懌總集峻命覺悟承黎諭金簡玉字之文等河圖洛書之寶承是秘檢發為叢籍需澤開榮普天受賜新建元之號易通邑之名茂昭降祥聳動群聽是時東土耆老湊闕廷以上書

南司宰輔率官師以抗表願循考古之道煥發井中之儀弗獲固辭乃徇勤請且以增覆載之深厚揚祖宗之純懿也儲峙億億悉出於縣官經營營繕不煩於民力大中澤符元年冬十月且儀制嚴仗衛陳屬

○ 御齊介丘齋心服形奏符行事群司奔走百禮修明集嶷巖巖顛凌顯英之氣壇壝清肅牲醴純備王幣式叙樽彝在列奠獻克謹曠釋用張晏娛交三神之歛陔配崇二聖之位舉權火升高烟示瑤牘以環觀

建雲臺而特起柱首之禮抑又次馬成秩無文奉行故事朝會敕有鴻濛濛條米輿誦求民瘼旌前列衍徽重參用王制著明皇績大猷克集神實幽贊故自始及末見象日昭史氏之筆殆不停綴則有非烟紛

郁太陽晏溫仙芝無根菌蠶以含秀醴泉無源崑涌而善利靈輝休氣嘉穀奇木鱗介之宗長翔游之品類表異駢出曠代絕倫豈非受職修貢發祥介福之徵乎人謂是山崇冠群嶽功件造化斯不誣夫國家

稽虞書四巡之首原漢氏五祠之重述宣邦典申嚴祭法奉正直聰明之德聲精虔嘉粟之誠為民祈福與國均慶封禪之後復增謚號曰仁聖天齊王蓋以形容靈造舉褒崇之禮也名稱之義大矣哉化工生

○ 物之謂仁至神妙用之謂聖登隆顯赫亦云至矣復思嚴飭廟貌彰灼威靈實天匠之職議惟新之制於是命使屬僚傷傷功庀卒徒給材用興雲錦運風斤程土物以致期分國工而聘藝規畫畫妙樂勸志

勞踰年而成不愆于素棟宇加宏麗之狀像設貴端莊之容凡所對越肅恭逾至四年春舉汾陰后土之祀成天地合符之禮憲章明備上下交感純嘏既錫大賚施及圓首方足式歌且舞猗歟開歲順動煥煌

景鑠而皆擬聖明之述作從英茂以飛騰
灼叙慶靈秦揚殊貶紀諸感節悉以命篇
布日星之華配雲雨之潤並刊鳳藻散時
龜跡播洋溢之頌聲垂極蠡之能事而志
求象罔順拜崆峒闢衆妙之門廣列真之

宇非止卜永年於郊廓是將納雅俗於華
胥者也又以太一五佐本乎天大寧五鎮
本乎地其位參兩鴻名可齊特尊別徽咸
加帝號由是秦升泰山之神曰天齊仁聖
帝乃命案馳道之東偏直宸居之巽位辟

地經始別建五嶽帝宮以申崇尚之禮焉
御製秦神述詔中書分侍從之臣論以制
作之本意觀夫聖文之梗槩以爲心鎮之
大輔于柔板動植之所蕃息原源之所滋
液至靈元宅陰陽攸司鍾馭毅而有徵繫

黎元之是賴舊甲具載前王式瞻著冊封
之典嚴祀祠之禮增奉邑之數申推蘇之
禁皆以仰不測之明威顯無方之妙迹也
方今兵革偃戢華夷會同歲獲順成物無
疵癘率由丕應冥助永圖固當稽彼前聞

八二 卅四

進其尊稱謂乎唐虞曰帝商周曰王夫商
周之王爵人臣而有素唐虞多帝奉神道
而何疑况其容衛等威冠裳制度極微數
以宿備宜明艷以相符因而成之禮無違
者願延景祐普昇含生至乎弋聲動虞辭

無私廣大坦然明白之理沛然利澤之德
曲成可牧俾臻富貴有以見聖人之情矣
遂誌勒石偏立於五嶽廟庭從近臣之議
也是歲冬並命使介分詣諸嶽定吉日飭
有司皇帝被法服御朝元殿禮行樂作而

臨遣之持節受而來冕相繼次叙而出觀
者如堵且嘆文物聲名之盛未嘗有也使
者奉詔訖事率叶素期於穆宏觀曼曼千
古矣越明年詔五臣撰辭各建碑於嶽廟
而臣浸漬泉澤涵泳清徽偶集鳧雁之行

遂塵龍鳳之署預承綸旨強叩蕪音曷勝
眷獎上以慶幸宣明盛禮叨奉冊於秦城
潤色貞珉玷彌文於魯嶽荷輝榮之稠疊
愧才學之空虛燥吻濡毫謹爲銘曰節彼
泰山磅礴巨大東一氣凝神五嶽推推勢并

八二 卅五

鳥繹秀出龜蒙崛起海表自爲天中高摩
霄樞俯瞰賜谷神策秘昌圖可卜物性
鍾仁民居獲福膺邦是常盛德在木百靈
淵府三宮洞天櫻丘真隱芝童列仙白鹿
方駕飛龍命篇宅其勝境幾乎大年歲長

曰宗歲交曰岱仰止巉岩與茲持載壽域
既優神聰有齊禱祀誕隆靈威如在千載
興運八紘開基武功盪定文教緝熙封禪
緝典祖宗制宜速夫聖嗣方畢宏規惟帝
奉符惟神佑德茂績其凝皇猷允塞嘉應

杏臻鴻禎靡測茫茫豐衍元元滋息於赫
靈廟控帶名區有詔改作俾受全模協心
董伎豐資尤徒技婢勿倍雷動星敷大厦
咸新群黎改觀窳窳靚深崢嶸輪奐肅穆
威容潔清几案欽脩允宜躬嚮攸贊功懋

天作澤從雲游式諧民望昭報神休殊號
斯薦前古匪儔庶安億兆豈止懷柔天帝
之孫復升以帝出乎震宮臨乎日際事固
莫京理亦潛契樹此翠碑騰芳百世
金每歲御署祝板命守臣侍祠

元至元二十八年加上泰山天齊大生仁聖
帝歲一遺官祭嶽祠

皇明洪武三年六月二十日

聖帝制曰磅礴東海之西中國之東發靈
秀生同天地形勢巍然古昔帝王登之觀

蒼海察地利以安民主祝曰泰山於敬則

致於禮則宜自唐始加神之封號歷代相

因至今曩者元君失馭海內鼎沸生民塗

炭予起布衣承上天后土之命百神陰佑

削平暴亂正位稱職當奉天地享鬼神以

依時統一人民法當式古今寰宇既清持

脩祀儀因神有歷代之封號予起寒微詳

之再三畏不敢效蓋神與穹同始靈鎮一

方其來不知歲月幾何神之所以靈人莫

能測其職受命於上天后土為人君者何

敢預焉懼不敢加號特以東嶽之神名其

山依時祭神惟神鑒之歲春秋二仲月泰
安州祀禮先丁祭

御製岱山高文曰岱山高兮不知其幾千萬

仞根盤齊魯兮亦不知其幾千百里影照

東海兮巍然而柱天益於民庶兮與雲吐
霧神龍出乎其間降祥則甘露垂於松栢
佳歲則滂沱遍於厚坤冬則寒風時出巖
壑雜然而有聲百川林藪森然而如雷坤
之所載世之山首岱山北至如暘谷之東

方武登峯頂時聞天聲萬籟岱山之高也
哉柱天之勢其可云乎俄而風生萬壑雲
起諸巒隱隱雷動百川倏忽電制萬里長
虹此岱山之神至也至則威靈百備神之
造化如此少時風靜雲收電斂雷息又百

川之清泰其岱山尤其高哉其蒼松也始
天地而生倚丹崖而長松之所以長尋不
比丹崖所以高萬仞何量蓋由太古之歲
月以至於今蒼松掃丹崖而每苔不秀丹
崖映蒼松而五色交輝猿啼雲樹之杪鶴

並日觀之東鷗鷺盤旋乎深谷雖扶搖不
可得而昇峯於戲登泰山而小天下越大
海而眇江湖信哉

洪武十年歲次丁巳八月丁未朔

皇帝謹遣蒲國公李文忠道士吳永輿鄧子

方致祭于東嶽泰山之神曰朕荷上天后
土之眷命蒙神之效靈以致乎群雄息禍
亂君主黔黎於華夏統控蠻夷於今十年
中國康寧於神之祀若以上古之君言
之則君為民而禱歲有春秋報之禮於
斯之際有望於神而祭者有巡狩於所在
而瘞瘞者今予自建國以來十年于茲國
為新造民為初安是不得親臨所在而祀
神也特遣開國忠臣李文忠道士吳永輿
鄧子方以代予行奉犧牲祝帛於祠下以
報效靈自今以後歲以仲秋詣祠致祭惟
神鑒之尚饗

洪武十一年遣道士吳永輿管行甫告曰
惟神靈時方嶽鍾秀后祇主司生民厥功
允大時維仲秋禮當報祀特命使者奉犧
牲祝帛詣致祭伏惟鑒之尚饗

洪武二十八年遣神樂觀道士樂本然國
子監生王濟祭曰昔者元運將終英雄並
起民患兵殃時予亦與群雄並驅輯兵保
民上帝默相山川受命效靈所在必克轉

戰五年餘方乃兵偃民息衆樂生生之計天下太平二十八年矣今洪武乙亥四月間廣西布政司報蠻夷酋長龍州趙宗壽奉議州黃世鐵不循治化負國殃民兵興之事承重既行不敢不告所以告者兵行

十萬各離父母妻子途間饑飽勞逸山嵐瘴氣患者有之此兵行之難兵入其境良民受害且大軍所過荆棘不生民驚且疑未有不傷者也此其所以告也但欲瘴癘之方化煙嵐爲清涼之氣俾殄渠魁良民

安業軍士速回各得完聚以養父母是其禱也然予未敢輕告上帝惟神鑒之爲予轉達謹告

洪武三十年遣神樂觀道士朱鐸如監生高嘉祭曰且元末兵爭傷生者衆予荷皇

天眷命嶽鎮海濱山川效靈諸將用命偃兵息民今三十年矣兵燹之餘民方安定通來西南戍守諸將不能昭布仁威但知肥已奪人致令諸夷苗民困窘而奮怒攻屯戍致傷戍守善民者予非敢用兵由是

八二

廿九

不得已指揮諸將帥兵進討然山川險遠彼方草木茂盛煙嵐雲霧霧鬱之氣吞吐呼吸則人多疾疫此行人衆各辭祖父母父母妻子涉險遠以靖邊夷以安中夏萬冀神靈轉達上帝賜清涼之氣以消煙嵐

早定諸夷速歸營壘得奉祖父母父母眷屬團圓是其禱也今年九月二十六日兵行特遣人專香帛牲醴先詣神所謹告尚饗

求樂五年遣道士復生監生張禮祭曰比

者安南逆賊黎季犛及子孫黎蒼逞兇肆暴虐壞邊疆侵奪屯心明府祿州等處地方予加寬貸不肯與師問罪但遣使諭使還地黎賊巧詞支吾所還地多非其舊還地之後復據西平州又侵寧遠州逼脅命吏

占管人民劫掠資財殺虜男女邊境之民受其殘酷安南之人并被其害誅求百端老幼不寧占城之地累年遭其劫掠予數遣人告諭冀其改過而賊稔惡日甚罔有悛心予爲天下主視民塗炭安忍不救乃

命將出師聲罪致討志在弔民豈敢用兵實出於不得已賴皇天后土眷二嶽鎮海濱效靈將士奮志賈勇悉掃蕩其孽克撫安其良善尚念將士暴露于外離其父母妻子山川險阻道里迢遞今天氣炎熱恐

嵐瘴鬱蒸起居失調易於感疾予夙夜念此寢食不寧萬冀神靈鑒予誠悃聞於上帝賜以鴻麻潛消瘴癘俾降清涼使將士安寧百疾不作特遣人致香帛牲醴先詣神所祭告尚饗

宣德十年歲次乙卯五月壬申朔十五日丙戌

皇帝謹遣泰安州知州胡宗敏祭告于東嶽泰山之神曰予嗣祖宗大位統理下民夙夜惓惓養民爲務上祈神靈陰隆助相俾雨暘時順灾冷不生百穀用成民用康濟國家清泰求賴神庥謹以香帛達于至誠惟神鑒格尚饗
正統元年歲次丙辰五月丁卯朔十五日辛巳

八二

四十

皇帝謹遣更科給事中車遜致祭于東嶽泰山之神曰越此東土泰嶽惟崇民物奠安厥功允茂予嗣承大統謹用祭告惟神歆格求祐家邦尚饗

正統三年遣泰安州知州胡宗敏告曰朕

祇御下民求懷保恤百穀長育茲惟厥時顯冀明靈特隆敷祐無灾無沴時雨時暘作歲豐穰以穀黎庶尚饗

正統九年遣翰林院侍讀習嘉言告曰子奉天育民愧涼于德致茲久旱灾及群生

八二

四十一

夙夜省躬中心惓切神司方徵憂憫諒同兩農以時莫任其責特茲致禱尚冀感通弘布甘霖用臻豐稔匪予之惠時乃神庥尚饗

景泰三年遣太子太保兼都察院都御史

王文奉香帛太宰祭曰茲者河流泛溢自濟寧州以南至于淮北民居農畝皆被墊溺所在救死不贖朕實傷切于懷夫朕敷政以惠民神出泉以澤物皆上帝所命今泉流溢於淮泗灾害及於公私伊誰之責

固朕不德所致神亦豈能獨辭必使泉出得宜民以為利而不以為患然後各得其職仰無所負而俯無所愧專虞感通以慰懸切謹告

景泰六年遣刑部尚書薛希理奉香帛牲

醴告曰恭承天命重付眇躬民社所依灾祥攸繫志恒內省坎每外垂或寒燠愆期或雨暘踰度田疇失利穀麥不登憂切民心妨及國計究推所自良由在茲然因咎致灾固朕躬同避而轉殃為福實神職當

專夫有咎無功過將惟一轉殃為福功孰與均特致懇祈幸副縣望謹告

成化六年遣掌太常寺事禮部尚書李希安告曰邇者山東地方爰自去秋訖于今夏天時久旱泉流乾涸夏麥無成秋田未

種運河淺澁船運艱難中心皇皇深切朕念惟神奠鎮一方人所恃賴茲旱暵寧不惻然茲特遣官齋香帛以告于神冀體上帝好生之德默運化機弘施雨澤使田野霽足河道通行用紓朕慮大慰民望庶

八二

四十二

幾神之休聞求末無窮神其鑒之尚饗成化十三年遣山東布政使司左布政使陳儼告曰國家敬奉神明聿嚴祠祀所期默運化機庇佑民庶乃近歲以來或天時不順地道欠寧或雷電失常雨暘爽候或

妖孽間作疫癘流行遠近人民頻遭饑饉流離困苦痛何可言惻然於衷罔知攸措惟神奠鎮一方民所恃賴觀此灾沴能不寃心是用特具香帛遣官祭未尚冀體上帝好生之德鑒于憂憫元元之意幹旋造

化弘闡威靈捍患禦安變禍為福庶幾民生獲遂享報無窮惟神鑒之尚饗

成化二十一年遣巡撫山東都察院左副都御史盛顯告曰惟神自開闢來作鎮東王興致雨雲庇育萬物靈明克昭蒸民攸

賴是以歷代報祀之典有隆無替乃今歲二三月間震動數次意者人事不脩不齊瀆神弗安弗寧守臣疏達朕心憂惶祇備香帛命官往祭望喬嶽以虔祈冀鑒臨而莫位助司元化誕福斯人夫古今瞻仰者

八二

四十三

在茲國家欽崇者在茲謹告

弘治四年遣通政司左通政元守直祭曰
伏自去歲一冬無雪今春天時亢旱雨澤
愆期田苗枯槁黎庶憂懼予其兢惕用是
側身脩省虔致禱祈維神矜憫下民幹旋

大造早霈甘澤潤滋禾稼弘濟民艱庶民
有豐稔之休則神亦享無窮之報謹告

弘治六年遣巡撫山東地方都察院左僉
都御史王霽祭曰伏自去冬無雪今春少
雨田禾未能播種黎庶實切憂懼予其兢

惕用是側身脩省虔致禱祈惟神矜憫下
民幹旋大造早霈甘澤以滋禾稼以濟民
艱庶民有豐稔之休則神亦享無窮之報
謹告

弘治七年遣內官監太監李興太子太保

平江伯陳銳右副都御史劉大夏右僉都
御史熊紳以香帛告曰比者黃河不循故
道決于張秋東注于海既壞民田又妨運
道特遣內外文武大臣循行潰決之處督
工脩築神其默相用成厥功使農不來業

國計不虧不勝惓惓願望之至謹告

弘治己未年

御製重脩東嶽廟碑朕聞自古天子報祀鬼
神之禮載在典冊自郊祀天地而下復有
所謂名山大川之祭蓋名山大川兩間物

形之最鉅者形鉅則氣之所鍾亦鉅而神
必依之於是有兩澤之潤有財貨之生有
年穀水旱之祈禱焉以利生人此報祀之
所由起也惟泰山在古兗州於方為東故
稱東嶽於時為春春主生萬物之始群嶽

之長又稱岱宗古者天子巡狩秩祭之所
先而東方諸侯在其封內亦得以祭然其
禮視三公蓋以別於天地也降及後世乃
崇以美號至於帝王則與天地無別矣我
聖祖高皇帝有天下之初詔定祀典始復其

號曰東嶽泰山之神禮嚴報祀著令至今
大聖人超卓之見蓋出尋常萬萬異朕
所當恪守雖萬世子孫莫之能易也東嶽
之廟今徧於天下其在泰山者為專祀歷
代所重故廟之規制甲於他方香火特盛

我 祖宗列聖自國初以來報祀惟謹廟

宇亦屢加脩葺葺然歷歲既久風侵雨剝棟
宇榱桷蓋瓦級碑與夫丹雘藻繪之飾未
免傾圮漫漶弘治己未冬朕承 祖宗禮
神之意遣御馬監太監苗逵往脩祀事具

以為言即發內帑銀八千餘兩并在廟積
貯香錢命逵會山東鎮巡等官葺之未幾
西唾告竣逵有督軍之行工不時就王成
冬再以祀事往乃與巡撫右副都御史徐
源等議委右布政使俞俊重葺其後而分

巡副使王宗錫往來協同吏勤工善越明
年夏乃就訖白三殿而下若廊廡若門垣
等凡傾者以易圯者以完漫漶者以鮮以
潔金碧輝映廟貌深嚴恭嶽明靈既尊且
安自是而往陰佑顯相我國家之胤祚一

方之生靈蓋有賴於無窮矣逵暨鎮巡等
官感奏是舉之盛宜有述以示後爰識巖
未并繫之詩曰鴻蒙未判一氣渾然清升
濁降始肇乾坤賦形之大惟山與川氣隨
形鍾神乃在焉巍巍泰山高入雲烟群岳

宗之靡或與肩自古天子秩祭孔慶禮視
三公祀典攸傳降及唐宋締禮相沿殊名
美號益謹益專於惟我 祖志復古先秩
祀有詔功邁前編朕承 先烈精誠彌堅
祀事載循廟貌增妍神心鑒悅福綿延

壽我胤祚光我化甄蕩蕩乎平億萬斯年
正德五年遣戶部左侍郎喬宇告曰比者
曠厲踰時雨澤少降水泉枯涸運道良艱
意者政有乖違上干叶氣予心警惕內自
省循爰飭有司各備乃事粵惟齊魯之地

泉源是鍾名山大川神所居守敬將香帛
特遣廷臣仰冀明靈旋大化沛施甘澤
濬發河流庶使國餉疏通田禾暢茂民生
有賴邦本無疆謹告
正德六年遣山東等處承宣布政使司右

叅議徐未告曰去歲以來寧夏作孽命官
致討逆黨就擒內變肅清中外底定非承
洪佑曷克臻茲因循至今未申告謝屬署
四方多事水旱相仍餓殍載途人民困苦
盜賊嘯聚剿捕未平循省外由實深兢惕
八二 四十六

伏望神慈昭鑒幽贊化機災沴潛消休祥
叶應佑我國家永庇生民謹告
嘉靖十一年遣泰安州知州李收祭曰惟

神鍾靈孕秀鎮奠一方陰翊國家其來尚
矣朕以寡昧恭承天命十有一年于茲敬

事神祗罔敢少懈饋儲宮未立恒切于懷
茲者特具牲帛醴齊遣官虔禱伏望茂著
神功錫予元嗣則我國家綿慶禎于無窮
而神亦享福于有求矣伏惟尚饗
嘉靖十七年遣泰安州知州丁方祭曰比

歲嘗命官禱嗣于神昨丙申孟冬之吉仰
荷天賜元儲亦神所贊佑者茲用致謝神
其鑿歎而求惟默佑焉尚饗
嘉靖二十二年歲次癸丑閏三月丁未朔
越二十八日甲戌

皇帝遣巡撫山東地方都察院右副都御史
沈應龍致祭于東嶽泰山之神曰朕祗奉
天命主宰萬民夙夜兢惕靡敢怠違茲者
准徐守臣奏稱去夏以來黃河漲溢水患
異常堤岸衝決民舍淹沒運道淤塞百姓
八二 四十七

阻饑不能聊生朕聞之惻然惟神鎮鎮一
方求饗秩祀茲宜體

上帝好生之德捍患禦災俾濬築土成水循
故道民安常業漕運疏通惟神之顯殊幣
帛將誠神其鑒之謹告
嘉靖三十三年歲次甲寅二月壬申朔十
八日巳丑

皇帝遣巡撫山東地方都察院右副都御史
沈應龍致祭于東嶽泰山之神曰比因河
水漲溢糧道梗阻已經遣官祭告茲者明
神顯應循濬土成河通運達國計有裨特
茲致謝惟神歆鑒謹告
嘉靖三十三年歲次甲寅四月辛未朔十
二日壬午

皇帝遣巡撫山東地方都察院右副都御史
沈應龍致祭于東嶽泰山之神曰朕奉
天命子育萬民所冀歲稔時和災害不作
爾者各處地方水旱兵荒人民遭厄危亡
載路災變異常朕心憂惕惟神上奉 帝
命奠濟一方諒垂矜憫爰命潔士齋捧香

帛特遣撫臣備儀竭虔詣祠致祭所冀萌
神大彰靈應潛幹化機俾氣序順調雨暘
時若拜解災劫溥資豐泰庶同朕奉天
子民之意而神亦享惠于無窮矣謹告
隆慶三年

皇帝遣巡撫山東都察院右副都御史姜廷
頤告嶽文曰爾者水災異常殃及黎庶良
軫朕懷茲特遣官祭告惟神鑒祐永福邦
民謹告
萬曆元年

○
皇帝遣祭于東嶽泰山之神曰惟神毓秀鍾
靈永表東土莫安民物萬世允賴茲予嗣
承大統謹用祭告神其歆鑒佑我國家尚
饗

歷代群臣祀祝

魏高允祭嶽文正 吐坤元作鎮東夏齊二
儀以永固崇至德以配天故能資元氣以
造物協陰陽而變化若其宮嶺峭峙川谷
幽深神性譎詭倏忽百靈吐納風雲育成



萬品攝生之所歸焉禎祥之所萃焉是以
歷代帝王之崇封禪銘功以告其成七十
二君咸在茲焉自非功侔造化應同自然
孰能若此者哉自我國家肅恭禋祀懷柔
百神邦域之內罔不咸秩徃以天路未夷
雖望祭有在今大化既同奄有淮岱謹薦
于嶽宗之靈民饗^{皇興二年}

宋歐陽脩祭東嶽文脩比者獲解郡章許還
里閉方中車而即路屬暑雨之時行輒以
愚誠仰干大造蒙神之惠賜以不違吹清
飈而散陰泰秋陽以涸轍遂無道路之阻
得逐草茅之居荷德之深不知為報一觴
之潔謹用薦表

濟南守曾肇告嶽文云歲之早有請于
神蒙畀嘉澤田則大稔今春河役發民二
萬更迭齋送衆又倍之蓋此齊人出者幾
半迨其反室維夏之初勞費既深又違穡
事夫民數歲乃遇一稔蔽之如此今二麥
方苞而亢陽為雷更任其咎所不敢述惟
民何辜賴神終惠能致雲雨則實在神尚

其念之敢告○惟神含德體仁鎮茲東夏
興靈致雨澤施八紘今此齊邦近在山趾
方夏又旱麥苗將萎吏思其繇奔走群望
而人微言賤不能上動頻陰復散忽已兼
旬念此疲民弊於征斂方歲之富食常不
足一遇災害必捐溝壑惟神威列覆被群
生碩此此州宜先蒙賜豈伊靈眷獨忍遺
之是用飭遣士民布誠福下情窮詞急冀
獲哀矜使一雨霈然則倒懸可解尚其降
鑒無作神羞○維泰山歷古至今有天下
者巡狩封禪勒成告代莫不之焉或企足
動容卒莫能至實卓偉殊尤神明之地故
天下宗焉二典所記其光靈威烈焯示萬
世夫豈他山可得而視維齊魯獲仰而事
粒食縷衣莫匪陰施今和雨自四月以
迄于茲積水之澤塵起冥冥粟將稿死蝗
亦滋生雖政或不良足以致此而百姓何
罪宜蒙哀矜披撮土之山勺水之川尚能
與民為福錫之有年豈如泰山朝出一雲
暮澤天下其勢之易易於轉圜而比近記

麗顧不能憐殆莫之或告或不度夫民
之生蓋亦艱矣無儲與藏重欽煩使歲一
不登多濱於死姦強無知或起乘時聚為
盜攘以取誅夷循理安業由閭之民亦與
俱亡奚可不傷鞏受命天子守藩于東敢

齊以嚴告于靈宮惟神閔人之病助歲之
功霽然下雨變念為豐尚俾斯民以牛羊
黍稷得承事于無窮三節祈雨臣愚行為時
之所背言為時之所輕寡儻以和眇眇執
犛奇於人而如此敢望信於冥冥屬策輒

而進謁託斯文而薦誠眷齊魯之舊邦依
大鎮之崢嶸若旱魃之方驕憂歲事之不
登民且瘠於溝壑或推埋而死兵革聰明
之饗登靈宮兩之霄雲言丁寧以上訴心
愀恍而潛驚顧不能以諧世將何以動夫

威靈乃不知夫神與道而為徒雖宵然而
難明其虛心也物有來而必應其公聽也
無憎愛之常情彼大雖自大小雖謂小吾
與善而已矣常一視而持平故微衷得以
上徹利澤為之旁行或噫為風或震為雷

八二

五十一

隱然雷出竊然雲蒸灑甘霖以蕪夕滅灾
氣於無形蓋西極于甸服東屬乎滄溟人
盈其望物遂其生黍芑芑而擢秀粟疑疑
而數榮使時洽遂燠年功可成人食豐乎
鍾繡神祀衍乎案盛民相安於田里更無

用於威刑信大恩之莫報而至德之難名
愚所以意激而感深者方涉世之零丁荷
降鑿之不昧知忠信之可憑敢因辭以進
謝愧抽思之匪精右謝

國朝

都御史陳鳳梧告徽文海內名山惟五嶽
為尊而神莫位東方生長萬物於五嶽之
中又特尊焉自唐以至于
聖朝歷代崇祀威靈烜赫蓋以一方之安危
休戚神有以主之也辛巳之秋鳳梧備員

東藩嘗謁告祠下預祈有年既而叨蒙
聖恩簡任巡撫夙夜弗遑惟絃懷是事壬
午之春以徂于秋雨時若感神之惠於
是乎有乎矣是秋查冬礦寇突起于龜蒙
之間荼毒赤子追捕出境餘醜渡河而南

益肆跳梁賄者賴神之佑會兵剿平中原
之地獲寧謐焉惟是齊魯之域宋谷茂林
姦慝潛伏其患靡常伏仗神威鋤克化暴
使濟河海岱寇盜不與水旱不作熙熙然
物阜民康斯鳳梧之責可少道焉而崇報

之典其曷敢有忘謹以牲醴特伸祭告惟
神其鑒之謹告嘉靖二年
泰安守許應元告徽文元聞之舍澤布氣
膚寸而合不崇朝而雨天下惟泰山之神
為然元以迂菲出守茲土始入境閭民之

所欲曰歲荐阜暍享而逋且半誠得雨殆
其有蘇惟時元神志不一衣裳不潔不敢
以徽於明神屏息而待命者旬再矣嘉穀
未播麥苗且稿而沛澤斬於先施是神之
靈罰茲土者無已也罷備之民不任敬毒

即守土者無狀宜降厥殃咎彼蠢蠢者誠
可哀憐敢率僚吏竭誠以禱於明神惟明
神卒降之惠俾無稿於道路報神之德寫
其有極尚饗嘉靖二年
左布政使楊維聰告徽文天下之山莫

尊於嶽嶽之中獨以宗稱其名最著嶽嶽出雲膚寸而合不崇朝而雨天下其功最大居於東方實維生物之府其德最盛寰海之內無有遠近衝僻罔不御往其神最靈實故自古聖帝明王必加敬焉

而况為有司者乎維聰受天子命長茲東土典須方嶽蒞任之初得以職事過于祠下牲醴之薦敢有弗虔重念維聰之不德受茲重任九政之未平民之未乂風雨之未時蝗厲之或作皆有司之罪也維聰

不敢辭其罪然於神有深望焉然而相之神之惠也民之福也非維聰之所敢私也謹告嘉靖十年分巡濟南道僉事盧問之祭嶽文夫惟神有奠鎮區域之功惟問之有撫治地方之

責事存分際理通感孚順以按部之餘遂興憫農之念意以暉旱之災吾藝夫慢民者之過也用是省躬布戒率守吏大小虔告重荷洪庥溢賜昭格而山上之雲觸石而起膚寸而合不崇朝而雨待哺之民有

望而催租之吏不憂矣其功之速之大實顯佑于東土問之臨風興懷殊切瞻望謹命有司崇脩樽豆仰答神功尚饗嘉靖十年御御史端廷赦告嶽文茫茫后土五嶽盤薄神為之宗威靈鑠鑠上扶乾綱風雨時

若下握坤軸是耕是穫恢我皇度靈長有託庇我蒸人湛淵寥廓凡此神功振古如昨廷赦奉命撫茲禮當謁神謁神之初敢干神政匪誕匪私為民請命夏滂為災冬旱復甚陽侵陰伏寔行春令二麥若

稿斯民之病惟神依民惟民依食胡忍視民以至此極將神之怒撫臣之失罪在撫臣民則何愿伏望陰翊化工昭錫靈貺與雲降雪慰茲渴望如有佚罰撫臣甘之母使衝民橫適羅之式號以呼神其聽之尚

饗嘉靖二十年謝嶽文廷赦撫按無狀獲戾神明致茲久旱用是皇皇靡寧匍匐祠下為民請命蒙神降鑿旋收杲日大布重雲霽雪先集靈藻繼益霽足優渥其應如響吏民罔知咸歸於廷赦自分罪愆顧有何

德可以動神何誠可以感神寔神正直仁慈不忍以廷赦之故累及元元顯既休烈禮當報謝廷赦既荷神有自今伊始當磨光刮垢力詢民瘼以求不為神羞惟神佑之鑒之尚饗嘉靖二十三年

巡按山東監察御史鄭善告嶽文惟神萃造化之靈秀顯仁威以配天峻德獨宗於諸岳魏功茂對於八埏崇古今之封秩為齊魯之具瞻五徵時應六府奠安雲欽承上命攬茲方風裁是秉惟神之綱春生秩

殺應激淑揚爰及藩臬降鑿有光精神默契敢不肅將祗陳牢醴維循典常明禋載獻維神是匡利秦實功憲度孔昌下土求賴赫奕用章尚饗嘉靖二十三年巡撫都御史王忬告嶽文蓋聞懿垂編錄

休邇明時以雉長乎五嶽者神之大道也觸石而出膚寸而合不崇朝而雨天下者神之能事也王於奔走天下積致賄施以利賴此一省者又神之顯惠也則夫雨暘時若固神之當先及而亦一方之所私

望者矣乃不雨自春迨將中夏達乎四境
且害三時麥已罔秋禾豈望歲夜傳雲漢
書苦風霾下民其咨 上天有憾神之所
以急此一方者不其亟歟且怵受 命撫
茲圖惟保釐殫厥心力而已雲行雨施寔

仰 明神馬勢分固爾也抑忤及庶司或
陰蓄僞辜有乖感假則神宜罰及厥身顧
斯民何辜代服政者罹此荼毒耶謹齋明
思省遣教授胡大慶告此零事神其歆崇
朝之靈渥千里之利則豈惟忤與一方之

人慰答其望雖神之取信天下輝英今古
或亦攸係矣惟神其聽之哉尚饗嘉靖三十一年五月

巡撫都御史沈應龍告嶽文夫嶽之靈豈
直以崖奔嶺巖谷抱谿迴崛起重險為一

方鎮哉蓋將賴以橐籥玄機鼓湯元精禦
灾捍患流福生民保衛

邦家也矧夫岱靈甲群峰而特峙尸攝生之
神工躬饗芬芳獨盛千古奔走萬方為天
下諸嶽之長者歟乃者春則恒陽二麥罔

秋夏則恒雨民鮮粒食所謂國泰呈瑞時
訛反珥者胡罔時錫豈天灾流行雖 聖
世有所不免耶應龍承之撫綏保釐東土
山川之神寔叨主之乃歷嶽巖排蒙冒升
青丘陟春陟以脩祀事以祝景貺以佑斯

民以祈不負於 聖天子懷柔百神肅恭
明禋之典匪徒以好古躋壽俯瞻虛廓仰
眺寥汰為遊觀樂也維嶽配天尚弼予志
喬彰休佑大康是邦奠 聖祚于苞桑肇
皇圖于木固則庶乎岱宗之標奇於齊魯者

為益信而崇祀於列聖者斯不誣也惟神
其念之哉嘉靖三十一年十月再祈雨文天地生萬
物所以奉而行之者神之職也

聖天子養萬民所以奉而行之者應龍等之
職也今山東諸郡旱已大甚麥苗就稿萬

姓皇皇饑孱之形漸多潢池之警言報此
應龍等自夜憂惶計不知其所出也應龍

等寡昧保釐失職貽民荼毒罪固難辭惟
神聰明正直能興雲雨亦可失職而甘受
天地之罰乎應龍欽承

上命敬共明祀特申祇告敢為萬民乞命伏
願鑒此精誠幹旋造化甘霖沛澍四野沾
足枯稿復蘇三農慰望尚期消患於將萌
轉禍而為福應龍等仰荷明神無窮之錫
而神亦有無窮之休神其聽之尚饗嘉靖三十一年閏三月

巡按山東監察御史馮薦告嶽文東土巖
壑地方遠不逮古賦役繁重即有年民亦
流移往遭水害窮困不能自存老稚在途
強壯嘯聚疾苦之狀不忍聞見

聖天子痛憫時艱簡重臣出虞賑饑而垂絕
之生意復蘇歟猶望今歲有秋也爾來元
早農事盡廢公私既竭將曷以支惟神震
方名嶽能興雲雨以生萬物古今祀典攸
崇也夫民有疾苦官茲土者分宜罷斥竊

恐神茲土者心亦弗能自安神宜仰體
聖君之仁俯從薦等之願誕敷靈液以紓吾

民之疾苦神之德惠將流彼無窮矣謹告
巡按山東監察御史雍焯告嶽文謹以牲

醴敢昭告于

東嶽泰山之神曰於赫岱宗秩祀有恒神功不施毓物効靈莫此震極翊此坤寧歷代禋薦酬德報成迄我

皇朝典祀維明焯等叨事茲土肅將明馨仰

藉神既昭格用徵肇我 鴻圖求躋豐昇

尚饗嘉靖三十三年十月三十日

巡按山東監察御史段顧言行偕布政司

左叅議徐文通按察司副使王世貞李嵩

僉事王遴張師价暨都司署都指揮僉事

李春華告嶽文竊聞天地之大德曰生而

生生不息之元氣盛德鍾焉疑焉是曰泰

山夫泰太和也謂天地太和之氣畫此焉

在也行之而時則惟春而神莫尸之布之

而方則惟東而神寔重之大哉乾元至哉

坤元胥茲乎生成而終始之是所謂天地

八二

五十八

昭代咸秩祀而崇報之也固宜予小子言按

部齊魯貴在肅清而激慝鋤凶若與大神

之生道 相似者然我心我精我儀我誠

神將吐之乎嗟乎吾知其必弗爾矣吾聞

春生秋殺玄化之流也福善禍淫明神之

靈也遏惡著良大君憲天之政也矧以生

道殺之而生生者斯無窮以福機禍之而

福福者斯無窮乎駭乃知大君顯憲幽贊

以成化而予小子觀風攬轡又將以奉君

之命而致之元元者也果終畢乎於戲神

不享非禮之祀君子不冥祀于不享之神

大神其以予之言為不戾耶尚祈鑒我精

誠我假我歆而母子謹也謹告嘉靖戊午五月二十七日

巡撫都御史張鑑祭嶽文曰粵稽山東之

地青兗肇域齊魯禮禮聖賢王霸之化禮

八二

五十九

義富強之方逮 皇明之御宇為畿腋之左壤東表溟海西略

河防赫赫神明實主震方鑑奉 明命來

撫是邦則巡撫之與威靈乃均夫秉幽明

之章念言東土憂心俛俛薦饑饉官方

不良煩苛盜疾昏墊流亡戶籍耗滅阡陌

蕪荒以今日之所自擊擊較之古昔之盛怒

焉其如傷履任以來夙夜惕惶仰承神祐

時雨時暘百穀用登盈溢穰穰匪直彼不

飲穰而此遺穗實資有餘而富露藏是神

錫吾民之福即所以既有位之康彼存者

既享有年之樂而去者豈無故土之望桑

梓在念逋負難償愚者不來來者不臧招

撫懇關孰敢怠違因則戶而平其稅分地

而清其糧上則請命於 天子天子即賜

俞允下則責成於有司有司有欺心玩法

削民自殖者典刑有赫實是自戕苟非明

神屢錫以豐年煦育以和氣則民將迫於

貧困疾疫何能求樂利於故鄉經綸濶澤

既明且詳陰鳴默祐惟神煌煌鑑蓋求上

不負 聖天子牧養小民之意下不負生

平奉公愛國之志俛聞閭郊野盡復古昔

之盛亦為東方明神之光用是敬陳牲品

侑以玄黃既齋既潔肅恭對飭為已往有

年之謝致將來時若之穰報懇之忱非言

所將福善祐正惟神之祥鑒微衷之懇懇
知來格之洋洋尚饗嘉靖四十年

巡撫都御史傅希聲祭嶽文曰茲者漕河
橫溢運道阻艱特命大臣總司開濬惟
神雄鎮一方捍除百患凡川流之壑注或山

下之出源式用遣官備申祭告願望鑒
茲重計舒予至懷急靖洪瀾倂成羣後俾
運儲以通濟永康阜于無疆謹告隆慶
巡撫都御史陸樹德告嶽文曰惟神宗
統羣岳體元發生普天率土孰不景承况

此幅員之內即所敷氣而布精一作一息
是怙是憑迺者恒暘不雨嗷嗷群情撫臣
憂之亟禱於庭亦嘗檄下諸司共敦祈請
兩遲遲而不至天杳杳而難明豈政之多
舛抑禱之鮮誠方擬遣官敷告祠下草

既就而雲合使未發而雨零惟神惠民如
響聲應撫臣何幸竊有餘榮謹潔牲醴遣
官陳詞仰谷寵靈尤冀德施不匱湛湛時
行自河之壩迄於東溟靡不遍靡霑弗
盈用俾苞者畢達元者膏耕消其谷於不

作調威事於豐登尚饗萬曆十一年

巡撫都御史李輔告嶽文曰維神作鎮
東方慶冒下土凡國賦之登耗實紀綱
其司生靈之休戚實宰制其柄威靈焜耀
古今福澤莫安境宇久矣山東頃歲以來

陰陽舛繆災歎頻仍乃者冬下雪寒春鮮
雨澤時既入夏竟日長風致令麥方苞而
就枯穀及時而不播農民倉皇於四野吏
士驚怖於庶司雖祈禱連旬而密雲不雨
切念山東之民困於涸轍矣而歲再不稔

將何聊生山東之賦繁於秋荼矣而室如
懸磬將何輸納即職守官之無狀嗟此下
民其何辜仰惟尊神靈爽咫尺鑒察絲
毫若罪有所歸則職受幽冥之譴如適遭
時厄敢祈矜憫之恩尚縱陰而閉陽隨

興雲而布兩庶生我百穀汗會穰穰滿車
惠此群黎婦女嘻嘻卒歲不然感而不應
則神何以稱威靈求而不獲則民何以誦
福澤哉職不任謁誠祈懇之至謹告萬曆
十三年知府李伯春代告告畢而雨至

巡撫都御史李輔祭嶽文曰今歲自春徂
夏四月不雨內自皇畿達于淮甸焦枯
奚啻千里嗟茲東土寔惟左輔民生益否
前雖霽此霖霖曾入土之無幾乃今苗不
秀而秀不實旋復稿矣下民洵洵哀籲

上帝無間遠邇天子憂勞減膳徹樂下
詔罪已馳道不除朝步自宮迄于郊時桑
林露禱為民請命罔恤勞只輔茲東土奉
職無狀曷何容諉念此無知顛隳溝壑憂
愴惻而不能已矧

主憂臣辱即匍匐席藁敢一息而自寧止
惟神奠位維泰職司生物胡忍坐視斯人
之日就填委輔謹率屬吏布其款悃以告
于神願神明罰予吏之無民而無遺禍於
歲出其膚寸不崇朝而雨天下以界我稷

黍而慰我天子夙夜憂勞之意則此子
遺猶能供奕盛而備肥腍以奉神之祀於
不匱惟神鑒予之丹誠而示予以盼嚮輔
不勝悚息聽命之至尚饗萬曆乙酉年四
月二十五日
巡撫都御史李輔告嶽文曰自春徂夏長

風為虐旱氣如焚夏麥垂枯秋禾未播輔受命無輯東方俯念民艱憂心孔疚先會齋心備物赴訴於神伏蒙明神鑒其悃誠惠以靈澤致禱者再獲雨者三枯麥半收新谷漸達念念應如桴鼓益瞻靈靈之不違點點潤若膏酥共戴慈恩之無量但雨澤應時雖慰三農之望而霽是未徧尚懸再旱之憂且內自京畿外達諸省猶聞歷三時不霽點兩數千里并無粒食以致主上焦勞群工警惕上關宗社下係生靈奚

獨鄙念之所悚惶抑亦神衷之所憫惻是用不厭煩瀆再行頂禮寒陰施於既往徼明既於將來伏望大展神功薄垂陰臨甘霖不限於疆域在在滂沱洪仁普被於寰區人人驩洽蕩除旱魃之薰灼挽回樂歲

之謳歌輔不勝感激祈懇叩心待命之至尚饗萬曆丙戌年同知趙承芳代告告畢而兩至巡撫都御史李戴告檄文曰惟神海內名山五嶽稱雄五嶽之尊獨歸岱宗正趾坤元奠位維東顯配天之靈應茂長育之洪

八二

六十三

功矧茲齊魯宜荷忭懽戴欽承上命來撫東方初入其境旱魃為傷目茲憔悴心甚憂惶躬詣神祠為民祈祥幸賜昭鑒示我洋洋告詞雨畢靈雨即霽翼日旋車雨降雲蒸大霈甘霖弘闡神靈三農懌

望萬物遂生神功莫報峻德難名遣官代祀敬潔犧牲修茲報賽用展微誠伏願風雨時若災沴不形求枯民庶慶歌豐亨戴不勝忻躍懇祈之至謹告萬曆十四年五月五日巡撫都御史李戴告檄文曰惟神化馳九

域位冠百靈裕民足國有赫帝庭矧茲東土香火維馨家戶祝是依是屏胡天不吊降此大戾三春不雨麥乃盡悴九夏不雨禾且無穗國用民生于焉胥匱聖主求瘼有位忘殫道路流離黎庶彫殘英爽有知而寧刃着慈悲普濟具仰彤壇戴救荒無奇懷憂如擣夙夜齋沐為民祈禱神之聽之庶幾懷保蚤霈甘霖回此枯槁謹告萬曆十四年六月二十日山東運司同知查志隆撰岱史告文曰志

隆蚤歲家塾誦法孔孟則聞登泰山而小天下云蓋未嘗不奮心翹首冀幸一踐跡之為快也往在壬申假道登覽時忤權貴圖且謁歸謂與山靈未別已矣安得如程伯子請註鄂簿撰錄名勝哉不意間隔

一紀復出而典職則在山靈咫尺之地會部使者領南譚侍史觀風陟嶽詢訪圖經屬志隆以筆劄之後所幸時清吏隱竟日一無事事得以游思於秋林豈山靈有意乎假此閒曠俾償始願耶竊謂藉手於此八二 六十四

少効涓埃即叨升斗倘遺戶素是用屈首編摩商閭寒暑曉夜燭集古藪今殆四閱月業已屬尊為考者三曰圖考曰星野考曰形勝考為表者二曰山水表曰疆域表為紀者四曰符典紀曰望典紀曰遺蹟紀曰靈宇紀為志者五曰宮室志曰物產志曰香稅志曰災祥志曰登覽志而摛揚之以名曰岱史謂夫岱宗之稱昉自黃帝今宜從其古物而撰著之法獨擅史家茲稍襲查義例也第念管窺蠡測則心思未

融徑逖崖幽則涉歷未遍碑殘簡脫則目
力未周於茲有深懼焉苦蠲祠下敬藉所
草質諸神明行且涉阻躋巔瀕觀周覽豈
敢妄希先賢之勝事開衡嶺之烟雲尚冀
神明降鑒而默佑之雲披日霽畢露奇觀
對景揮毫恍然天啓庶幾幽不負山靈明
不負付托而於已亦不負據梧橫卷之辛
勤則惟神明陰相是賴也敢告萬曆十四
年十月十四日告畢登覽俗巔晴霽九三日遂得以
適歷諸形勝果符所祝云

〇 八二 六十五 〇

岱史第三冊鬼宇號目錄

卷之八遺蹟紀

八三

五侯遺蹟

王簡

石閣

登封臺

周明

漢明堂

章俊卿
明堂論

無字碑

秦篆碑

歐陽脩集古錄
劉跋秦篆講序

磨崖碑

長城鉅防

鳳凰臺

望仙臺

舞鶴臺
張說序頌

社首壇

封祀壇

朝觀壇

陰字碑

御帳坪

博城

羸城

謝過城

龜陰田

汶陽田

菟菴

紅城

白驪墓

聖賢遺蹟

孔子

顏淵

魯

孟子

伯牙

延陵季子

柳下惠墓

羊祜城

孫復

胡瑗

許衡

列仙遺蹟

漢泰山老父

稷丘君

卷之九靈宇紀

東嶽廟

宋宇文粹中重脩記
李賢重脩記
薛瑄重脩記

東嶽中廟

元至元
李欽脩古井記
許天贈重脩記
陳儒記

東嶽上廟

王皇廟
陳察記
王記

會真宮

任式記
后土殿
御祝文

青帝觀

宋加號讚
明弘治御祝文
高誨王女考
嘉靖御祝文
尹龍記
劉定之記
徐溥記

碧霞宮

崔文奎記
鄭宜文記
方遠文記
王之綱文記
何起禱文
李輔祈告文

天僊行宮

升元觀
宋勅碑
徐和記

天書觀

長春觀
元和記

安期生

崔文子

晉張忠

張山

唐呂品

張志純

元丘長春

徐世隆

成興公

王從之
海印